

Оқдарё туман давлат жизматлари
марказининг 2021 йил 30
август даги
№ 182 реестр тартиб раками
 билан



“ТАСДИҚЛАЙМАН”
Ўзбекистон Республикаси Ўрмон
хўжалиги давлат қўмитаси раиси

Н.Бакиров

2021 йил “08” июнь

Ўзбекистон Республикаси Ўрмон хўжалиги давлат қўмитаси
Оқдарё давлат ўрмон хўжалигининг

УСТАВИ

ЯНГИ ТАҲРИР

Самарқанд - 2021 йил

Ўзбекистон Республикаси Ўрмон
хўжалиги давлат қўмитасининг
2021 йил “8” июнданги
99-сонли буйруғига

19-ИЛОВА

Оқдарё давлат ўрмон хўжалигининг

УСТАВИ

1-боб. Умумий қоидалар

1. Ушбу Устав Оқдарё давлат ўрмон хўжалигининг (кейинги ўринларда — Хўжалик) мақоми, асосий вазифалари ва функциялари, хуқуқлари ва жавобгарлигини, шунингдек, фаолиятини ташкил этиш тартибини белгилайди.

2. Хўжалик Ўзбекистон Республикаси Ўрмон хўжалиги давлат қўмитаси тизимидағи давлат муассасаси ҳисобланади.

Хўжалик Ўзбекистон Республикаси Ўрмон хўжалиги давлат қўмитасига (кейинги ўринларда Кўмита), Самарқанд вилояти ўрмон хўжалиги бошқармасига (кейинги ўринларда Бошқарма) бўйсунади ва ҳисбот беради.

3. Хўжалик ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Кўмита ҳайъати йиғилиши қарорлари, буйруқлари ва топшириқларига ҳамда мазкур Уставга, шунингдек, бошқа қонун ҳужжатларига амал қиласди.

4. Хўжалик ўз фаолиятини давлат бошқаруви органлари, хўжалик бирлашмалари, илмий-текшириш институтлари, маҳаллий давлат ҳокимияти органлари, нодавлат нотижорат ташкилотлар, хорижий ва халқаро ҳамда бошқа ташкилотлар билан ҳамкорликда амалга оширади.

5. Хўжалик юридик шахс ҳисобланади, Ўзбекистон Республикасининг Давлат герби тасвири ва ўз номи туширилган муҳр ва бланкаларга, мустақил балансга, Ўзбекистон Республикаси Молия вазирлигининг Ғазначилигига ҳисоб ва рақларига, банк, шу жумладан чет эл валютасидаги ҳисоб ва рақларига эга бўлади.

6. Хўжаликнинг давлат тилидаги тўлиқ номи — “Оқдарё давлат ўрмон хўжалиги”; рус тилида — “Акдарынское государственное лесное хозяйство”.

7. Жойлашган жойи: Самарқанд вилояти, Оқдарё тумани, Лойиш шаҳарчаси А.Темур кўчаси 49-а уй.

2-боб. Хўжаликнинг асосий вазифалари ва функциялари

8. Куйидагилар Хўжаликнинг асосий вазифалари ҳисобланади:
ўрмонзорлар барпо этиш, ўрмон фондини ҳар томонлама кенгайтириш ва муҳофаза қилиш, ўрмон бойликларидан оқилона фойдаланишга қаратилган тадбирларни амалга ошириш;

ажратилган ер майдонларида писта, бодом ва доривор ўсимликлар плантацияларини барпо этиш ҳамда кўчатхоналар ташкил этиш;

ўрмонларни тиклаш, иҳота ўрмонзорларини кўпайтириш чоратадбирларини ишлаб чиқиш ва амалга ошириш, тоғ ёнбағирлари ҳамда чўл ҳудудларида эрозияга қарши дарахтзорлар барпо этиш;

ўрмонларни ёнғиндан, зааркунанда ва касалликлардан, ноқонуний дарахт кесишдан ва ўрмон тўғрисидаги қонун ҳужжатларининг бошқача тарзда бузилишидан муҳофаза ва назорат қилиш;

чўлланган ерларда, жарликлар ва ташландик ерларда эрозияга қарши дарахтзорлар барпо этиш;

ўрмон фондини, ўсимлик ва ҳайвонот дунёси обьектларини қатъий ҳисобини юритиш ва ўрганиш, фан ютуқлари ва илгор тажрибларни ўрмон хўжалигини юритиш амалиётiga жорий этиш;

имконият ва ҳудудий иқлим шароитларни ҳисобга олган ҳолда, хўжалик фаолиятини кенгайтириш ва ривожлантириш, қишлоқ хўжалиги ва чорва

маҳсулотларини етиштириш ҳамда халқ истеъмоли товарлари ишлаб чиқариш;

соҳа мутахассислари малакасини ошириш ишларини ташкил этиш.

уруглик материалларни етиштириш ва тайёрлаш, кўпайтириш, коллекцион кўчатхоналар ташкил этиш;

ўрмон фондини ҳар томонлама кенгайтириш, уларни муҳофаза қилиш ва ўрмон бойликларидан оқилона фойдаланишга қаратилган тадбирларни амалга ошириш;

ўрмонларни тиклаш, ихота ўрмонзорларини кўпайтириш чоратадбирларини ишлаб чиқиш ва амалга ошириш, эрозияга қарши дарахтзорлар барпо этиш;

9. Хўжалик ўзига юклangan асосий вазифаларга мувофиқ қуидаги функцияларни амалга оширади:

ўрмон фонди ҳудудида ўрмон муҳофазаси ишини ташкил этиш, режим-кўриқлаш тадбирларини ўтказиш;

ўрмон фонди ҳудудида ҳарбийлаштирилган тузилмалар бўлинмалари билан ўзаро ҳамкорликда жиноятчилик намоён бўлиши белгилари ва фактлари тўғрисида хуқуқни муҳофаза қилувчи органларини тезкор хабардор қилиш;

қонун хужжатларида белгиланган тартибда хўжалик ходимларининг мансаб йўриқномалари ва ўз ваколатига оид бошқа хужжатларни тасдиқлаш;

ҳудуддаги хўжалик ва ташкилотлар томонидан ўрмон хўжалигининг тўғри юритилишини, ўрмон ресурсларидан оқилона фойдаланилишини назорат қилиш;

жисмоний ва юридик шахсларга ўрмон хўжалигини юритишга доир қонун хужжатлари бузилишини, ўрмонларни муҳофаза қилиш, ўрмон ресурсларидан фойдаланишдаги нуқсонларни бартараф этиш тўғрисида ёзма кўрсатмалар бериш;

ўсимлик ва ҳайвонот дунёсини шунингдек ўрмонларни муҳофаза қилиш ва ундан фойдаланиш тўғрисидаги қонун хужжатларига риоя этилиши юзасидан идоравий назоратни амалга ошириш;

яйловларда чорва молларини ўтлатиш, уларни жойлаштириш ва ўрмон фонди ерларидан фойдаланишнинг бошқа турлари ҳақида белгиланган тартибда таклифлар ишлаб чиқиш;

сувни асровчи ўрмонларни, дарахтзор ерларни, аҳоли яшаш жойлари атрофидаги кўкаламзорлашган ҳудудларни ҳамда иқлимини тартибга солиш, санитария-гигиена, соғломлаштириш ва бошқа ҳимоя функцияларини бажарувчи бошқа дарахтзорларни саклаш ва уларнинг ҳолатини яхшилаш чора-тадбирларини кўриш, ўрмон фонди ерларида жойлашган давлат табиат ёдгорликларини муҳофаза қилиш;

яйловларнинг ҳолатини яхшилаш, бойитиш, маҳсулдорлигини ошириш, кўчма қумларни мустаҳкамлаш ва уларга дарахтлар экиш тадбирларини амалга ошириш, унинг ижросини назорат қилиш;

ўрмон хўжалигини тўғри юритишни, ўрмон ресурсларидан оқилона фойдаланиш, ўрмонларни қайта тиклаш, парвариш қилиш ва уларнинг самарадорлигини ошириш, ихота ҳамда эрозияга қарши дарахтзорлар барпо этиш;

ўрмон фондининг давлат ҳисобини ва давлат ўрмон кадастрини юритиш ва мазкур соҳа юзасидан маълумотлар тўплаш;

ўрмонларни ёнғиндан ҳимоя қилиш мақсадида ҳудуддаги хўжалик ва ташкилотларнинг ўт ўчириш асбоб ва ускуналари билан таъминлаш ва унинг назоратини юритиш, хўжаликда ўрмон ёнғинига қарши курашиш чора-тадбирларини амалга ошириш;

ноқонуний дарахт кесиш, чорва молларини ўтлатиш, пичан ўриш, ов қилиш, балиқ овлаш, доривор ва озиқ-овқатбоп ўсимликлар ҳамда бошқа турдаги табиий ўсимликларни ноқонуний терилишини олдини олиш тадбирларини амалга ошириш ҳамда уларнинг назоратини олиб бориш;

ўрмон фонди ҳудудларида содир этилган маъмурий ҳуқуқбузарликлар учун маъмурий ҳуқуқбузарлик тўғрисида баённома ёки далолатномалар тузиш;

ўрмон тўғрисидаги қонун ҳужжатлари бузилишининг олдини олиш ва уларга қарши курашиш мақсадида соҳага оид ваколатли органлар билан қўшма тадбирлар тузиш ва уни амалга ошириш;

боғлар, токзорлар, қишлоқ хўжалиги экинлари, мевали ўсимликларнинг ҳосилдорлигини ошириш, ҳосилдорлиги аниқлаш (апробация ўтказиш) ва соҳага оид тавсияларни ишлаб чиқиш;

ёғоч-тахта тайёрлашни, шунингдек ёғочдан, ёғоч чиқиндиларидан ҳалқ истеъмол товарлари ишлаб чиқариш, ўрмонлардан қўшимча равища фойдаланиладиган маҳсулотлар тайёрлаш;

экотуризмни ривожлантириш мақсадида чора-тадбирлари дастурини ишлаб чиқиш, унинг ижросини таъминлаш, экотуризм инфратузилмасини шакллантириш, рекреация ҳудудлар ташкил этиш;

экспорт-импорт операцияларини амалга ошириш учун тегишли шартшароитларни яратиш ва экспортни амалга ошириш учун зарур чора-тадбирларни белгилаш ва уни амалга ошириш;

кадрлар захирасини яратиш, ўрмон ўсимликларнинг етиштириш, тайёрлаш, қуритиш, сақлаш ва қайта ишлаш соҳасида мутахассисларни қайта тайёрлаш ҳамда уларнинг малакасини ошириш ишларига кўмаклашиш;

ёввойи ҳолда ўсуви доривор ўсимликлар нав-намуналарини аниқлаш ва уларни кўпайтиришни йўлга қўйиш;

ҳудудларнинг табиий-иқлим шароитидан келиб чиқиб доривор ўсимликларнинг оналик плантацияларини барпоэтиш;

мавжуд биоресурслар генофондини сақлаш борасида маҳаллий ҳамда хорижий инвесторларнинг инвестицияларини, ҳалқаро молия институтлари грантларини жалб этиш;

соҳа раҳбарлари ва мутахассисларини қайта тайёрлаш ва уларнинг малакасини оширишни ташкил этиш.

Хўжалик қонун хужжатларига мувофиқ бошқа функцияларни ҳам бажариши мумкин.

З-боб. Хўжаликнинг ҳуқуқлари ва жавобгарлиги

10. Хўжалик ўзига юкланган асосий вазифалар ва функцияларни амалга ошириш учун қуидаги ҳуқуқларга эга:

ўрмон барпо этиш, қайта тиклаш, муҳофаза қилиш, ундан фойдаланиш ва хўжалик фаолиятини ривожлантиришга қаратилган таклифлар ишлаб чиқиш;

ўрмон барпо этиш, қайта тиклаш, ўрмонни муҳофаза қилиш ва ундан фойдаланиш соҳасидаги маҳаллий дастурларни ҳамда бошқа дастурларни ишлаб чиқиша иштирок этиш;

ўрмонни муҳофаза қилиш, қўриқлаш ва ундан фойдаланиш ишларини, шу жумладан дарахт ва буталарни кесиш режаларининг амалга оширилишини назорат қилиш;

ўсимлик ва ҳайвонот дунёси обьектларини муҳофаза қилиш, қайта тиклаш мақсадларида биотехник тадбирларни амалга оширишни ташкил этиш;

жисмоний ва юридик шахсларга ўрмон хўжалигини юритишга доир қонун хужжатлари бузилишини, ўрмонларни муҳофаза қилиш ва ҳимоя қилишдаги, ўрмон ресурсларидан фойдаланишдаги камчиликларни бартараф этиш тўғрисида ёзма кўрсатмалар бериш;

соҳада амалга оширилиши режалаштирилган илмий-тадқиқот ишларининг қўлами ва долзарблигини инобатга олган ҳолда ишлаб чиқилган бизнес-режаларини қайта кўриб чиқиш ва ўзгаришишлар киритиш;

жойларда соҳанинг илм-фан, илмий-тадқиқот йўналишларини ривожлантириш мақсадида белгиланган тартибда таянч пунктлари, тажриба участкаларини ташкил этиш;

хўжалик қонун хужжатларига мувофиқ бошқа ҳуқуқларга ҳам эга бўлиши мумкин.

11. Хўжалик ва унинг мансабдор шахслари ўзига юкланган вазифалар ва функцияларнинг самарали бажарилиши учун жавоб берадилар.

4-боб. Хўжалик фаолиятини ташкил этиш

12. Хўжаликга вилоят ҳокими билан келишган ҳолда Бошқарма бошлиғининг тавсиясига асосан Кўмита раиси томонидан лавозимга тайинланадиган ва лавозимидан озод этиладиган директор раҳбарлик қиласди.

Хўжаликнинг бош бухгалтерини лавозимга тайинлаш ва лавозимидан озод этиш Бошқарма бошлиғининг тавсиясига асосан Кўмита раиси томонидан амалга оширилади.

Директор ўринбосари - бош ўрмонбеки директор тақдимиға қўра Кўмита билан келишган ҳолда Бошқарма бошлиғи томонидан лавозимга тайинланади ва лавозимдан озод этилади.

13. Директор:

Хўжалик фаолиятига умумий раҳбарлик қиласди ҳамда хўжаликга юкланган вазифалар ва функцияларнинг бажарилиши учун шахсан жавоб беради;

ўзининг ходимлари ўртасида вазифаларни тақсимлайди;

директор ўринбосари - бош ўрмонбекини лавозимга тайинлаш ва лавозимидан озод этиш бўйича Бошқармага тавсия киритади;

ўрмон тўғрисидаги қонун хужжатларини бузганлик учун айборларни жавобгарликка тортиш учун ҳуқуқбузарликлар тўғрисидаги баённомаларни рўйхатдан ўтказиш, ҳуқуқбузарлик бўйича материалларни ва табиатга етказилган зарарни ундириш бўйича хужжатларни белгиланган тартибда ваколатли органларга тақдим этилишини таъминлайди;

давлат органларида ва бошқа ташкилотларда хўжалик номидан вакиллик қиласди ёхуд хўжалик номидан ишончнома ва (ёки) ваколатлар беради;

белгиланган умумий штатлар сони доирасида хўжаликнинг штат жадвалини тасдиқлайди;

хўжаликга ажратилган молиявий ва моддий маблағларни белгиланган тартибда бошқаради;

хўжалик фаолият йўналиши бўйича ходимлар бажариши мажбурий бўлган буйруқлар чиқаради ва кўрсатмалар беради;

мехнат тўғрисидаги қонун хужжатлари талабларига мувофиқ хўжалик ходимларини ишга қабул қиласди ва улар билан тузилган меҳнат шартномаларини бекор қиласди;

хўжаликда фаолият юритаётган ходимларни рағбатлантириш ва интизомий жавобгарликка тортиш масалаларини ҳал этади, алоҳида ўrnак кўрсатган ходимларни рағбатлантириш чораларини кўради;

директор қонун хужжатларига мувофиқ бошқа ваколатларга ҳам эга бўлади.

5-боб. Хўжалик фаолиятини молиялаштириш ва ходимларини моддий рағбатлантириш

14. Қўйидагилар хўжалик фаолиятини молиялаштириш манбалари хисобланади:

Давлат бюджети маблағлари;

Ўрмон хўжалигини ривожлантириш жамғармаси маблағлари;

хизмат кўрсатиш ва ўзи етиштирган доривор ўсимликларни сотишдан тушадиган даромадлар;

халқаро ва хорижий ҳукумат, халқаро молиявий ташкилотлар, молия институтлари ва бошқа донорларнинг грантлари ва кредитлари (қарзлари);

хўжаликнинг вақтинча бўш турган бюджетдан ташқари маблағларини тижорат банкларининг депозитларига жойлаштиришдан олинган даромадлар;

қонунчилик хужжатлари билан тақиқланмаган бошқа манбалар.

15. Хўжалик қонун хужжатларида белгиланган тартибда соҳа ходимларининг ҳаётини суғурталаш, уларни моддий ва маънавий рағбатлантириш ҳамда ижтимоий муҳофаза қилиш тадбирларини амалга оширади.

16. Хўжалик ходимлари меҳнатига ҳақ тўлаш, уларни рағбатлантириш, мукофотлаш ва бошқа рағбатлантиришлар қонун хужжатларида белгиланган тартибда амалга оширилади.

6-боб. Якуний қоида

17. Хўжаликни қайта ташкил этиш ва тугатиш қонун хужжатларида белгиланган тартибда амалга оширилади.